



Notat

Til Fagforbundet Vaksdal
Kopi til:

Saksbehandlar: Rådmann/Åse Elin Myking
Vår referanse: 17/548 - 17/6606 / FA - M70
Dato: 11.09.2017

Emne: Referat frå drøftingsmøte etter Hovudavtalen 07.09.17 om deltaking i Vest brann- og redningsregion

MØTE: Drøftingsmøte etter HA del B §1-4-3 og §3-1 c)
Partar: Fagforbundet v/HTV og Vaksdal kommune v/rådmann

Drøftingsgrunnlag sendt ut med innkalling: ev. deltaking i interkommunalt samarbeid etter §27

- Invitasjon til deltaking i Vest brann og redningsregion - saksframlegg
- Brannsamarbeid i bergensregion- rapport frå prosjektgruppa

Bakgrunn for prosessen om brannsamarbeid:

Bergensalliansen (politisk nivå) gjennomførte i 2013 ei risikokartlegging av brann og redningstenesten i regionen. Resultatet vart presentert for kommunane i 2014 med påfølgande studie av ulike samarbeidsløysingar i 2015. Basert på dette valde Bergensalliansen i 2016 å etablere eit prosjekt for å greie ut ein samarbeidsmodell mellom våre sjølvstendige brannvesen. Rapporten «Brannsamarbeid i bergensregionen» låg føre mot slutten av året. Etter ein utvida innspelsrunde med sentrale og lokale alktørar har Bergensalliansen sendt invitasjon og saksframlegg til kommunane med frist for handsaming medio september. Etter saka var ferdig er fristen utsatt til ut oktober.

Rådmann orienterte om prosess og vurdering av saka:

Etter fleire utsetjingar, med siste informasjon til kommunane i juli i år, var saka klar for behandling i kommunane. Grunna ferieavviklinga og andre presserende oppgåver rakk me ikkje å halde drøftingsmøte før utsending av saka til formannskapet (skrivefrist 15.8), men drøftingar vert halde før kommunestyret skal fatte vedtak i saka. Formannskapet er informert om dette og drøftingsreferatet skal ligge føre til kommunestyret skal treffe vedtak.

Proessen har foregått over fleire år og har vore drøfta mellom partane ved fleire høve og informert om når det har kome nytt frå arbeidet. Vårt lokale brannmanskap har fått informasjon om arbeidet. Fagforbundet har vore representert i prosjektarbeidet og har gjeve uttale til rapporten. Denne uttalen har det lokale leddet slutta seg til i tidlegare uttaler.

Samarbeidet er foreslått organisert som §27 samarbeid. Forslaget representerer ikkje verksemdsoverdraging og vil ikkje medføre endringar i lokale løns- og arbeidsvilkår slik det ligg føre. Kommunen har framleis fullt ut ansvar for, og styring med, vårt lokale brannvesen.

Samarbeidet omfatter følgende fagområde

- Førebyggjande arbeid
- Brann og redningsberedskap
- IUA og 110-sentral

og det er gjort ei vurdering inkludert kost/nytte av desse.

Større ansvar og krav til kommunane på beredskapsområdet aukar behovet for kompetanse både i det førebyggjande arbeidet og i den operative utøvinga når noko skjer. Samarbeidet med andre vert stadig viktigare for å sikre tilgang til naudsynt kompetanse og ivareta ein god beredskap i kommunen. Mindre kommunar med avgrensa ressursar vil særleg dra nytte av tilgang til eit større fagmiljø, samarbeid og koordinering av beredskapen, kompetanseutvikling og felles øvingar med vidare. Kostnaden for kommunen er vurdert som relativ låg sett i forhold til kostnaden kommunen elles må påregne for tilgang til tilsvarande spesialtenester og spisskompetanse. Vårt lokale brannvern skal vidareførast som i dag og samarbeidet medfører ingen endringer i organisering og arbeidsgjevaransvar for våre tilsette innan brannvernet.

Fagforbundet sitt syn

Fagforbundet er ikkje negative til samarbeid generelt, men vurderer denne saka slik:

- Fagforbundet Vaksdal fryktar at dette fører til at makt og mynde vert flytta vekk frå kommunen til eit regionalt ledd og at avgjersler i samarbeidet vil påverke våre lokale prioriteringar og påføre kommunen auka kostnader i framtida
- Fagforbundet fryktar at samarbeidet vil medføre auka byråkratisering
- Fagforbundet meiner samarbeid mellom brannvesen fungerer godt i dag
- Fagforbundet ser at samarbeid om innkjøp kan vera ein fordel
- Dei viser til mindretalsmerknad frå Fagforbundet til prosjektrapporten og støtter dei kommentarane som er gitt der.

Fagforbundet ønsker at saka går tilbake til formannskapet for ny behandling.

Rådmann vil legge spørsmålet fram for ordfører.